



www.BibleForChildren.org




Sóni 14



Sísaga mó mahraréna, Itene irupipeq iwíáh
kikiriyeho. Manikánsabe aiq pútare ateq
ínénsabeákáq aiq pútare aintáhro.
Nánibone nahtapeq áhnte paqnáh kéhre.



Íre kéhtáq tahirímé métáq teiú irino. Itene máhriq
kigawerinieéna pokinauge. Kawerarena kiwekue
tumeiranauge. Íné míórabeq mía míaigeheéna
tumeiranauge.



Íné Sóni iteruwah uge. Sísane sánsá sehgiunayabé
mó kegá itereq ínéreq íwíoqnahwe. Sísa itene
Wahnahne arambehri kawerue miraéq

áwénunúne. Mókake wega
wahnah wahnahnirabeq



moráráq mía
míaoneheqmúne.




Manikáne ehwehnikakáq Sísa Karáhéga sokigi aní
éhwéhnikakáq teri terinuraunsabé sega íné
kaqme wáhnaupéqté kéné marakórapeq,

Pátámósa marakórápéq
móíntárówe.



Íópeq kio irana Manikáne Awanka págege aintéhrana
néniwanka tagéna wahnah wahnahnirabeqte síáhráq
tútuue míéh ání tagoge.




Manikánka moke miraro naneqmarínká igonkónowana íróge. Íópeqmé mah marákó márakóípeqmé pusa ké miáhrabeqme sóreq wanípípeqmé moke mibeqté náneqmarínká igonkónowana íróge.




Igonkónéra mahraréra, Wahnah wahnahnirabeqte
síáhráq tútuue míéh ánínseq Sipisípiq Áráhqseqne
síwíq pankereq, Kaweróye ariteq
ahriahri iwíáh íwíáh aritone.
Anotah pagégé ánité míehya
puaq ahriahri itensabé iwíáh
íwíáh aitone
ewana íróge.




Manikáne kaweq matábú o Sarúsarama suwahpeq
íópeq Maniká míéhrabeqte túírana tagoge. Wene
iyahnaboga o ibehiní wenawehqpa móauwaneheéra
awahrirue sokah sokah atáhnserah mi ke suwahpeq
túírana
tagoge.




Wahnah wahnahnirabeqte éhwéhnká anotahtaq
mahrarirana íróge. Anotahtaq mahraréna, Írátíáhro.
Manikánka seba mía míainara se wene animári
míagehe. Sereq mía míaéna sene Wahnah míankehe.



Íópeqté ánínká oga mé waní sokigi anírana mi wanímé
timanonka téhrehnserahnire. Mi waní ahyahipeqmé
Manikánseq Sipisípiq Áráhqseqka wahnahnóyarabeqte
túire.



Mitaq íónkakaq pópoqnahakáq íre kéhre. Írakaumo.
Manikáne téhreh naneqka mitaq téhrehrana Sipisípiq
Áráhqka áráhmu tahnsá ání miéhre.



Moke ahbabáq mitaq
íre serahowe.
Ahbabáro kereq péhe
éhwéhnkákáq kéreq
mitaq íre serahowe.
Ahqáho. Írakaumo. Peh
morá Sipisípiq
Áráhqne oga
mérapeqté púkúípéq
sensíwíq kéh kégá
mitaq serahowe.




Manikánka sereq mía míaéna
sene siurapite áqnú moke
sorahruankéhe. Mi tanáhráq
wehuke mó íre pukigehe.

Sirupipeq mó íre umehinae. Mó
íre ibitunátúnánigehe. Mó íre
ibisagehe. Mó íre síérinae.
Menah kárái naneqmarí aiq
parabagi puana mó íre kanae
irana íróge.




Manikánka kamah arina naneqmarí mitaq mó íre
kanawire. Manikánseq Sipisípiq Áráhqseqka mitaq
wahnah wahnahnigehe. Moke Manikáne arambehri
kegá wensabé iwíáh íwíáh atagéhe. Iwíáh íwíáh atera
wene auranabiah
tagagehe.

Wenáwíq sene
siyehitaq
kanae.




Moke pukia kéwé anotah kereq íre síwíqkakaq kéreq wahnahnirabeq iriwe míáhwana tagoge. Moke sene arambehri púkuipéq sehirania kéhrana mi pukúwári pugeqme tagehre. Mi wahnáhnká púkuipéqté séhírá tagéna wehukene arambehri iwíáhue tagéna ehweh aritena sainsúéhre. We mó pukú matíéhra mi pukúwé oga mérapeq kioráho kené síwíq kéh púkúe.

Oga mérapeq awaq míéhra ke síwíq kéh púkúipéq tagéna mitaq síwíq íre kéh kéwé anotah osóréh íráreh kawéhúpíéq tuparúéhre.



Manikáne Awanseq Sísa tagariáh kéreqka Sísansabé,
Mahbeq tuo ewe. Mah ehwéh íráh kégá moq mahbeq
tuo igehe. Wání tahbobói kegá séra oga mé
wanínsábé suwahbeh kegá pehipi nagehe.



Manikánka mah kehiná kéhínánsábé
anotah arútábóíri puana webataq
wenahni eqmarowe. Wenahninsábé
aiq pútare atáh ké íre toráh agia
peh oga mérapeq awaq
mianehtawoe.



Aroma 3:23 Ite moke mah kehiná kéhínánká
ahbabárurauna puag Manikánka kaweqtaq mía
míainserah ite kaweqtaq íre mía míaorahúne.

Aroma 6:23 Ahbabáqka saiqnariéhnká aneq apéq
wehuke siro? Ahbabáqka saiqnariéh ké
pukoneherawoe. Itene Wahnah Sísa
Karáhénsabe aiq pútare atona kewé Manikánka
wáh kaweraitena oganúq itena, Sísa req ahriahri
mía míaoro aitéhre.

Íbaru Ke 9:27 Wehukení mónkakáq mónkakárue
íre pukia peh morá tánáhráq pukinawire. Mina
inserah Sísa moq peh morá tánáhráq pukúwe.
Wehuke pukirataq anehe Manikánka ehweh
aritena sainsuankéhe.



Épésá 2:8,9 Itega Sísa Karáhénsabe aiq pútare
atárónsabé Manikánka ite anotahtaq
arutaboiraitena ite meirena kaweraitáráire. Íre
iteitega mirauronka kaweraitáráire. Írakaumo.
Manikánka wáh kaweraitáráire.

Íre iteitega arambehriuronka kaweraitáráire.
Minayabe iteíwíq íre pankerahráhowe. Írakaumo.
Itega mirauronsabé íre iwíáh íwíáhorahowe.

Aroma 10:9,10 Íwáhnoréq mahraue teiune. Sísa
néne Wahnah mire íwéhrate iraréq wega
pukútaq Manikánka iriwe oganúq atonsabe
irupipeq iwíáhirataq wega meirena
kaweraitankéhe.



Manikánka irupipeq aiq pútare atáh ké insahwé
aitena íwéhrate, Sísa néne Wahnah mire irare
ke kaweraitéhre.

Sóni 3:16,17 Manikánka mah kehiná kéhínánsábé
anotah arútábóíri puana webataq wenahni
eqmarowe. Wenahninsábé aiq pútare atáh ké íre
toráh agia peh oga mérapeq awaq mianehrawoe.
Wenahninká mah kehiná kéhíná ehweh
aritankeheéna eqmaroo? Írakaumo. Mah kehiná
kéhíná kaweraritankeheéna eqmarowe.



1 Sóni 5:11-13 Manikánka teí éhwéhmé oga
mérapeq awaq miageheéna wega oganúq ítéhre.
Wenahninká miraúnsabe oganúq ítéhre.
Manikáne ahninkáwáreq mía míai anímé oga
mérapeq awaq míéhre. Manikáne ahninkáwáreq
íre mía míai anímé oga mérapeq awaq miehro?
Írakaumo. Oga mérapeq íre awaq míéhre.
Manikáne ahninkáwánsábé aiq pútare atáh kéó,
itega oga mérapeq aiq awaq míone éq
ahtebageheéna sehiranue teiúge.



Sóni 14; 2 Kórína 5;
Sokigi 4, 21, 22

Storyline by: Edward D. Hughes

Illustrated by: Lazarus
and Alastair Paterson

Adapted by: Sarah S.

Awa Bible (awb) © 2002, Wycliffe Bible Translators,
Inc. All rights reserved.

<https://live.bible.is/bible/AWBTBL/MAT/1>

©2024 Bible for Children, Inc.

www.M1914.org

www.bibleforchildren.org

